



Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Civil Protection Administration

Broj: 06-11-1147-8/24  
Sarajevo, 03.12.2024. godine

Na osnovu čl. 69. stav (1) tačka a) i 70. st. (1), (3) i (6) Zakona o javnim nabavkama ("Službeni glasnik BiH" br. 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH" br. 103/14 i 49/23), na Preporuku Komisije za nabavku, broj: 06-11-1147-5/24 od 02.12.2024. godine, u postupku javne nabavke roba: "Radna vatrogasna uniforma", direktor Kantonalne uprave civilne zaštite Kantona Sarajevo *donosi*

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije za javnu nabavku, broj: 06-11-1147-5/24 od 02.12.2024. godine i ugovor o nabavci roba u postupku javne nabavke roba: "Radna vatrogasna uniforma", dodjeljuje se izabranom ponuđaču IMSA d.o.o. ul. 6 april br. 19, 71212 Hrasnica, prema ponudi broj: 1112/24 od 28.11.2024. godine, za ponuđenu cijenu u iznosu od 132.585,00 KM bez PDV-a, kao najpovoljnijem ponuđaču.

**Član 2.**

Izabrani ponuđač je dužan dostaviti original ili ovjerenu kopiju dokumenata iz člana 45. stav (1) tačka a) do d) Zakona o javnim nabavkama ("Službeni glasnik BiH" br. 39/14, 59/22 i 50/24) u roku od 5 (slovima: pet) dana, računajući od dana kada je obaviješten o izboru najpovoljnije ponude, ukoliko isti nisu dostavljeni uz ponudu i to na način i u formi kako je zahtijevano tenderskom dokumentacijom za predmetni postupak javne nabavke.

**Član 3.**

Prijedlog ugovora o nabavci dostavit će se na potpis izabranom ponuđaču nakon isteka roka od 10 (slovima: deset) dana, računajući od dana kada je ponuđač obaviješten o izboru najpovoljnije ponude.

**Član 4.**

Ova odluka će se objaviti, u skladu sa članom 70. stav (6) Zakona o javnim nabavkama ("Službeni glasnik BiH" br. 39/14, 59/22 i 50/24), na web stranici Kantonalne uprave civilne zaštite Kantona Sarajevo ([www.kucz.ks.gov.ba](http://www.kucz.ks.gov.ba)) i istovremeno će se uputiti ponuđaču koji je učestvovao u ovom postupku javne nabavke.

**Član 5.**

Za realizaciju ove odluke zadužuje se Sektor za materijalno-finansijske poslove Kantonalne uprave civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom budžeta Kantona Sarajevo.

## Obrazloženje

Postupak javne nabavke pokrenut je Odlukom o pokretanju postupka javne nabavke, broj: 06-11-1147/24 od 06.11.2024. godine.

Predmetni postupak nabavke je proveden putem otvorenog postupka javne nabavke.

Procijenjena vrijednost javne nabavke roba: "Radna vatrogasna uniforma" je do 132.960,00KM (bez uključenog PDV-a).

Komisija za nabavku je imenovana Odlukom, broj: 06-11-1147-1/24 od 06.11.2024. godine.

Obavještenje o nabavci, broj: 282-1-1-129-3-66/24, objavljeno je dana 07.11.2024. godine na Portalu javnih nabavki, kao i tenderska dokumentacija.

U roku utvrđenom za prijem ponuda zaprimljene su četiri ponude, a nije bilo ponuda zaprimljenih nakon isteka roka za prijem ponuda.

Na sjednici Komisije za nabavku održanoj dana 28.11.2024. godine, Komisija je prvo vrednovala kvalifikaciju ponuđača, prihvatljivost njihovih ponuda i dostavljenih uzoraka u skladu sa uslovima traženim Tenderskom dokumentacijom (u daljnjem tekstu: TD), broj: 06-11-1147-2/24 od 07.11.2024. godine.

Komisija je utvrdila da ponude ponuđača USLUŽNOST d.o.o., EURO VEZ d.o.o. i IMSA d.o.o. ispunjavaju sve zahtjeve u pogledu opisa predmeta nabavke, tehničkih specifikacija i dostavljenih uzoraka. Ponuda ponuđača PASTOR M d.o.o. neispunjava sve zahtjeve u pogledu opisa predmeta nabavke, tehničkih specifikacija i dostavljenog uzorka.

Ponuda ponuđača PASTOR M d.o.o. neispunjava sve zahtjeve u pogledu zahtjeva iz TD jer je dostavio uzorak radne vatrogasne uniforme sa sljedećim nedostacima:

### **Vatrogasna jakna:**

- iznad džepova na grudima nema čičak trake
- kosi džepovi nemaju patentne zatvarače
- nema naremenica za funkcionalne oznake
- nema gumene trake na završetku rukava

### **Vatrogasni džemper:**

- nema džepa na grudima

### **Vatrogasne cipele:**

- nisu poluduboke (nemaju saru)

Obzirom da su ponuđači prema tački 4.9 TD bili dužni dostaviti uzorke prema opisima i zahtjevima iz tehničke specifikacije odnosno u skladu sa Uredbom o uniformama, nazivima funkcijama i funkcionalnim oznakama vatrogasaca u profesionalnim i dobrovoljnim vatrogasnim jedinicama, ovlaštenja starješina tih jedinica, zaštitnoj i radnoj odjeći i opremi vatrogasaca ("Službene novine FBiH", broj 08/11) ponuda ponuđača PASTOR M d.o.o. je ocijenjena kao nepravilna i kao takve se odbacuje iz daljeg postupka javne nabavke.

Nakon pregleda i ocjene ponuda i dostavljenih uzoraka Komisija je jednoglasno sačinila utvrdila spisak prihvatljivih ponuda i isti dostavila službeniku za javne nabavke da zakaže E-aukciju.

Nakon provedene E-aukcije Komisija se sastala na sjednici koja je održana dana 02.12.2024. godine na kojoj je zaključila Zapisnik o pregledu i ocjeni ponuda, broj: 06-11-1147-4/24 od 28.11.2024. godine (zaključen 02.12.2024. godine), Preporuku o izboru najpovoljnijeg ponuđača, broj: 06-11-1147-5/24 od 02.12.2024. godine. godine Izvještaj o provedenom postupku javne nabavke, broj: 06-11-1147-6/24 od 02.12.2024. godine.

Na osnovu dostavljenog dopunjenog Izvještaja o provedenom postupku javne nabavke, utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu prispijelih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno slijedeće:

- da su u predmetnom postupku zaprimljene četiri ponude;
- da su blagovremeno zaprimljene četiri ponude;
- da nije bilo neblagovremeno zaprimljenih ponuda;
- da se ponuda ponuđača PASTOR M d.o.o. Mostar odbacuje jer je nepravilna, odnosno dostavljeni uzorci radne vatrogasne uniforme nisu u skladu sa Uredbom o uniformama, nazivima funkcija i funkcionalnim oznakama vatrogasaca u profesionalnim i dobrovoljnim vatrogasnim jedinicama, ovlaštenja starješina tih jedinica, zaštitnoj i radnoj odjeći i opremi vatrogasaca ("Službene novine FBiH", broj 08/11);
- da su ponude ponuđača: USLUŽNOST d.o.o., EURO VEZ d.o.o. i IMSA d.o.o. ispunili sve zahtjeve u pogledu opisa predmeta nabavke, tehničkih specifikacija i dostavljenih uzoraka;
- da je e-aukcija provedena u skladu sa odredbama Pravilnika o uslovima i načinu korištenja e-aukcije („Službeni glasnik Bosne i Hercegovine“, broj 80/23), putem informacionog sistema E-nabavke dana, 02.12.2024. godine.

Direktor Kantonalne uprave civilne zaštite Kantona Sarajevo nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za neprihvatanje preporuke Komisije za nabavku.

U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda te dostavljenih uzoraka.

Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, tenderskom dokumentacijom i provedenom E-aukcijom.

Uvidom u priloženu dokumentaciju, nesporno je da je izabrani ponuđač IMSA d.o.o. najbolje ocijenjen jer je njegova ponuda nakon provedene E-aukcije u ukupnom iznosu od 132.585,00 KM bez PDV-a, prema kriteriju za izbor (najniža cijena) rangirana na prvom mjestu i ispunjava sve uslove zadane u tenderskoj dokumentaciji.

Shodno navedenom, primjenom člana 69. stav (1) tačka a), člana 70. st. (1), (3) i (6) ZJN, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove odluke.

**Pouka o pravnom lijeku:**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. ZJN. Ugovorni organ će postupati po žalbi na način propisan odredbama člana 100. ZJN.



**Dostaviti:**

1. Sektoru za materijalno-finansijske poslove KUCZ KS,
2. PASTOR M d.o.o. Mostar, ul. Put aluminija bb, 88000 Mostar,
3. USLUŽNOST d.o.o., ul. Branilaca Sarajeva br. 39., 71000 Sarajevo,
4. EURO VEZ d.o.o., ul. Rosulje br. 82, 74264 Tešanj
5. IMSA d.o.o., ul. 6 april br. 19, 71212 Hrasnica
6. [www.kucz.ks.gov.ba](http://www.kucz.ks.gov.ba),
7. a/a.